



НАРИЙНТЭЭЛ СУМЫН
МОНГОЛ АРДЫН НАМ-д

**ӨВӨРХАНГАЙ АЙМАГ ДАХЬ
ТӨРИЙН АУДИТЫН ГАЗАР**

62173 Арвайхээр, Өвөрхангай аймаг,
Утас/Факс: (976) 7032 3253,
E-mail: uvurkhantai@audit.gov.mn

2020.07.28 № 302
танай _____-ны № _____-т

**Сонгуулийн мөрийн хөтөлбөрийн
дүгнэлт**

Төрийн аудитын тухай хуулийн 6 дугаар зүйлийн 6.3, Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.1, 37.3, 37.5 дахь хэсгийг тус тус үндэслэн сумын иргэдийн Төлөөлөгчдийн Хурлын 2020 оны ээлжит сонгуульд оролцох тус сумын Монгол Ардын намаас ирүүлсэн сонгуулийн мөрийн хөтөлбөрийг хянаж, дүгнэлт гаргалаа.

Үүрэг хариуцлагын талаарх мэдээлэл

Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн 2020 оны ээлжит сонгуульд оролцох сумын Монгол Ардын нам нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого, төлөвлөлт, түүний удирдлагын тухай хууль болон “Алсын хараа-2050” Монгол Улсын урт хугацааны хөгжлийн бодлоготой нийцүүлэн сонгуулийн мөрийн хөтөлбөрөө боловсруулж, санхүүгийн тодорхой эх үүсвэр шаардсан зорилт, арга хэмжээг хэрэгжүүлэхэд шаардагдах зардлын дүнгийн хамт аймаг дахь Төрийн аудитын байгууллагад ирүүлж, Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль 37 дугаар зүйлийн 37.5-д заасны дагуу дүгнэлт гаргуулах үүрэг хүлээнэ.

Сонгуулийн мөрийн хөтөлбөрийн дүгнэлтийн үндэслэл

Аймаг дахь Төрийн аудитын газар нь Аймаг, нийслэл, сум, дүүргийн иргэдийн Төлөөлөгчдийн Хурлын 2020 оны ээлжит сонгуульд оролцох сумын Монгол Ардын намын сонгуулийн мөрийн хөтөлбөрийг хянан үзэхдээ “Төрийн аудит MNS 6817 - 1 : 2020” Тулгуур зарчим, “Төрийн аудит MNS 6817 - 6 : 2020” Нийцлийн аудитын зарчим, “Төрийн аудит MNS 6817 - 8 : 2020”, Өвөрхангай аймгийн нэгдсэн төсвийн 2020 оны төсвийн хүрээний мэдэгдэл, “Өвөрхангай аймгийн эдийн засгийг 2014-2024 онд хөгжүүлэх бодлогын баримт бичиг”, Нийцлийн аудитын стандартыг удирдлага болгон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого, төлөвлөлт, түүний удирдлагын тухай хууль болон “Алсын хараа-2050” Монгол Улсын урт хугацааны хөгжлийн бодлого, 2021-2022 оны төсвийн төсөөллийн тухай хууль, холбогдох байгууллагаас авсан тайлан, судалгаа, мэдээллийг тус тус шалгуур болгон авч үзсэн.

015030598

Дүгнэлт

Сумын Монгол Ардын намын “Аймаг, нийслэл, сум, дүүргийн иргэдийн Төлөөлөгчдийн Хурлын 2020 оны ээлжит сонгууль”-д оролцохоор ирүүлсэн сонгуулийн мөрийн хөтөлбөр, түүнд орсон зорилт арга хэмжээ нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.3 дахь хэсэг, Алсын хараа-2050 Монгол Улсын урт хугацааны хөгжлийн бодлогын заалт, Төсвийн тогтвортой байдлын тухай хууль, Хөгжлийн бодлого, төлөвлөлт, түүний удирдлагын тухай хуульд заасан тусгай шаардлагад тус тус нийцсэн байна.

Сумын Монгол Ардын намын мөрийн хөтөлбөр / хуудас/-ийг хавсаргав.

Хувийг: Сумын сонгуулийн хороонд

ДАРГА БӨГӨӨД
ТЭРГҮҮЛЭХ АУДИТОР



Л.ЛАМААЧИН

ӨВӨРХАНГАЙ АЙМГИЙН НАРИЙНТЭЭЛ СУМЫН 2020 ОНЫ ОРОН НУТГИЙН СОНГУУЛЬД МОНГОЛ АРДЫН НАМААС ОРОЛЦОХ МӨРИЙН ХӨТӨЛБӨР

Уриа: Хөгжлийн төлөө хамтдаа

Монгол улсын “бүсчилсэн хөгжлийн бодлого”, мянганы хөгжлийн зорилтод суурилсан үндэсний хөгжлийн цогц бодлого, Өвөрхангай аймгийн нийгэм, эдийн засгийг 2014-2024 онд хөгжүүлэх бодлогын баримт бичиг болон төсвийн тогтвортой байдлын тухай хууль, хөгжлийн бодлого төлөвлөлтийн хууль, алсын хараа-2050” монгол улсын урт хугацааны хөгжлийн бодлого зэргийг үндэслэн сумын ИТХ-ын сонгуульд оролцох мөрийн хөтөлбөрийг боловсруулан сонгогч танд толилуулж байна.

1. ЭДИЙН ЗАСГИЙН ӨСӨЛТ

- 1.1. Хүнсний ногоо даршлах үйлдвэрийг бий болгож, өрх, иргэдийг ажлын байраар хангана.
- 1.2. Мал аж ахуйн түүхий эдэд түшиглэсэн арьс, шир боловсруулах цехүүд байгуулна.
- 1.3. Малын дайвар бүтээгдэхүүний үйлдвэрлэлийг бий болгох.
- 1.4. Сүү, сүүн бүтээгдэхүүний үйл ажиллагаа явуулж байгаа цех, өрхийн үйлдвэрлэлийн бүтээгдэхүүний нэр төрлийг нэмэгдүүлнэ.
- 1.5. Ажлын байр нэмэгдүүлэх арга хэмжээ авч, 100-аас доошгүй ажлын байр бий болгох, сум хөгжүүлэх сангийн эх үүсвэрийг 500 саяаас доошгүй төгрөгийн эх үүсвэртэй болгох
- 1.6. Залуу малчдын хөдөлмөр эрхлэлтийг дэмжих орон нутгийн бодлогыг боловсруулан хэрэгжүүлнэ.
- 1.7. Барилгын материалын блок, тоосгоны үйлдвэрлэлийг хөгжүүлнэ.
- 1.8. Шинээр ажлын байр бий болгосон, тогтвортой үйл ажиллагаа явуулж, ажлын байраа хадгалан сумын эдийн засаг, нийгмийн хөгжилд хувь нэмрээ оруулж буй аж ахуйн нэгж байгууллагуудыг дэмжих бодлого баримтлана.
- 1.9. Төсвийн хөрөнгөөр бараа ажил үйлчилгээ худалдан авахад орон нутгийн аж ахуй, нэгжүүдийг давуу эрхтэй оролцуулна.

2. ДЭД БҮТЭЦ



Handwritten signature and initials, possibly indicating approval or completion of the document.

2.1. Гэр хорооллын айл өрхүүдийг инженерийн шугам сүлжээнд холбох нөхцлийг бүрдүүлэх, ариун цэврийн нөхцөлийг сайжруулах

2.2. Авто болон явган хүний зам, тэмдэг тэмдэглэгээ, гэрэлтүүлгийн засвар арчлалтыг тогтмол хийх

2.3. "Хашаандаа сайхан амьдаръя" хөтөлбөрийг хэрэгжүүлнэ.

2.4. Сумын төвийн авто замыг сайжруулах, Баянтээг багруу хатуу хучилттай зам тавих

3. ХҮНС, ХӨДӨӨ АЖ АХУЙ

3.1. Мал, амьтны гаралтай халдварт өвчнөөс урьдчилан сэргийлэх, эрүүлжүүлэх, мал эмнэлгийн үйлчилгээг дэмжин, үйлчилгээний чанарыг сайжруулах замаар мал, амьтны гоц халдварт өвчингүй тайван байдлаа хадгална.

3.2. Мах, сүүний үйлдвэрлэл явуулах аж ахуй байгуулах санал санаачилгыг дэмжнэ

3.3. Газар тариалангийн салбарт орчин үеийн техник, технологи нэвтрүүлж, хүнсний ногооны төрөлжсөн зоорь байгуулна.

3.4. Сум, багт дулааны шугамыг түшиглэн өвлийн хүлэмжийн аж ахуйг хөгжүүлнэ.

3.5. Малын тоо, төрөл, сүргийн бүтцийн зохистой харьцааг баримтлах, малын чанарыг сайжруулах, ашиг шимийг нэмэгдүүлэх, Тээлийн улаан ямааны омог бий болгох ажлыг хийж дуусгах

4. БАЙГАЛЬ ОРЧИН

4.1. Төв зам дагуу таацын голд ногоон зурвас байгуулах, айл өрхийн эдэлбэр газрын ногоон байгууламжийг нэмэгдүүлэх

4.2. Хог хаягдлын менежментийг сайжруулж, хог ангилан ялгах үйл ажиллагааг аж ахуй нэгж, байгууллага, иргэдэд хэвшүүлэх, хогийн цэгийн орчныг тохижуулан техник тоног төхөөрөмжийг нэмэгдүүлнэ.

4.3. Нийтийн эзэмшлийн талбай болон гуанзны орчинд орчин үеийн стандартад нийцсэн нийтийн бие засах газрыг бий болгох

5. НИЙГМИЙН БОДЛОГО - ХҮНИЙ ХӨГЖИЛ

5.1.1. Нийгмийн эрүүл мэндийн чиглэлээр ЭМТөвүүд, багийн Засаг даргын хамтын ажиллагааг сайжруулж, эрүүл мэндийн үйлчилгээний чанар, хүртээмжийг дээшлүүлнэ.

5.1.2 Эрүүл мэндийн төвүүдийг орчин үеийн оношлогоо, эмчилгээний тоног төхөөрөмжөөр хангана.

5.1.3 Халдварт бус өвчлөлөөс урьдчилан сэргийлэх чиглэлээр иргэдэд эрүүл мэндийн боловсрол олгоно.



5.1.4 Иргэдийг жил бүр урьдчилан сэргийлэх үзлэг шинжилгээнд хамруулах ажлыг тогтмолжуулж, онош тодруулах шаардлагатай иргэдийг нарийн мэргэжлийн эмчийн үзлэг шинжилгээнд хамруулна.

5.2.Боловсролын үйлчилгээ

5.2.1 ЕБСургууль, СӨББайгууллагын анги дүүргэлтийн коэффициентийг тэнцвэржүүлж, шаардлагатай тоног төхөөрөмж, материаллаг баазыг нэмэгдүүлнэ

5.2.2 Төрөлжсөн кабинет, багш хөгжлийн төв, биеийн тамирын заал, тоглоомын талбайн орчин нөхцлийг сайжруулж, багш, суралцагчдын хөгжих боломжийг нэмэгдүүлнэ.

5.2.3 Багшийн ёс зүй, харилцаа хандлагыг дээшлүүлэх, нийгмийн хамгаалал, эрүүл мэнд, хөдөлмөрийн үнэлэмж, орон байрны нөхцлийг сайжруулан багш нарын арга зүйн хөгжлийг дэмжиж, тэргүүн туршлага, ур чадвараа түгээн дэлгэрүүлэх боломжийг нэмэгдүүлнэ.

5.2.4 Иргэдийг насан туршийн боловсрол эзэмших, амьдрах, аж төрөх ухаанд суралцуулах үйл ажиллагааг дэмжиж, сургуулиас гадуурх сургалтын байгууллага бий болгон хүүхэд, залуучууд насанд хүрэгчдийг тохиромжтой хэлбэрээр суралцах хүрээг өргөжүүлэх, ном сурах бичгээр хангах ажлыг үе шаттайгаар хэрэгжүүлнэ.

5.2.5. Цэцэрлэг, ерөнхий боловсролын сургуулийг хүүхдийн дасгал хөдөлгөөний идэвхийг нэмэгдүүлэх хэрэглэгдэхүүн, багажаар хангаж хүүхдийн тулгуур эрхтний хөгжлийг сайжруулна.

5.3 Соёл, урлаг, аялал жуулчлал, спорт, нийтийн биеийн тамир

5.3.1 Соёлын биет болон биет бус өвийг сурталчлах, түүх, соёлын үл хөдлөх дурсгалын хадгалалт, хамгаалалтыг сайжруулахад төр, иргэн, олон нийтийн хяналт оролцоог нэмэгдүүлнэ.

5.3.2 Нийтийн биеийн тамирыг иргэд, гэр бүл, хамт олны санаачлагад тулгуурлан өрнүүлэх

5.3.3 Сумын аялал жуулчлалын бодлого төлөвлөлтийг бий болгож, аялал жуулчлалыг хөгжүүлэх

5.3.4. Сумын оны аварга шалгаруулах тэмцээнийг тогтмолжуулж, цар хүрээг тэлнэ.

5.4 Хүүхэд, залуучууд гэр бүлийн хөгжил

5.4.1. Хүүхэд, залуучуудыг хөгжүүлэх, амьдралын зөв дадалд сургах, чөлөөт цагийг зөв боловсон өнгөрүүлэх, мэргэжлийн чиг баримжаатай болгох төрөл бүрийн секц, дугуйлан, сургалт, мэдээллийн олон талт үйл ажиллагааг дэмжнэ.



Handwritten signature and date: 23

5.4.2. Хүүхэд, гэр бүлийн нөхцөл байдлыг үнэлэх, болзошгүй эрсдлээс урьдчилан сэргийлэх чиглэлээр үнэлгээ хийсэн мэдээллийн санд тулгуурлаж нийгмийн хамгааллын үйлчилгээг хүргэнэ

6. ТӨРИЙН ҮЙЛЧИЛГЭЭ

6.1. Багийн иргэдийн Нийтийн хурлын үйл ажиллагааг цахим хэлбэрээр зохион байгуулж залуучуудын идэвх, оролцоог нэмэгдүүлнэ.

6.2. Төрийн үйлчилгээг хүнд сурталгүй, шуурхай болгоход чиглэсэн шинэ дэвшилтэт хэлбэрийн үйлчилгээг тууштай нэвтрүүлж, төрийн албаны хяналтын сүлжээг бий болгоно.

6.3. Иргэд, олон нийтийн оролцоотойгоор газар зохион байгуулалт, төлөвлөлтийн үйл ажиллагааг нээлттэй ил тод хэрэгжүүлнэ.

6.4. Орон нутгийн өөрөө удирдах болон нутгийн захиргааны байгууллагуудаас хүний эрх, эрх чөлөө, иргэд, хуулийн этгээдийн хууль ёсны ашиг сонирхлыг хөндсөн асуудлаар хэм хэмжээ тогтоосон шийдвэр гаргахын өмнө иргэд, хуулийн этгээд, мэргэжлийн холбоодын төлөөллийг оролцуулсан нийтийн сонголт, хэлэлцүүлгийг тогтмол зохион байгуулж, тэдгээрээс гарсан саналуудыг тухайн гарах шийдвэрт тусгаж, эргэн мэдээлэх асуудлыг журамлаж хэрэгжүүлнэ.


6.5. Гэмт хэрэг үйлдэгдэх гол шалтгаан болсон архидалт, гэр бүлийн хүчирхийлэл, амьдралын буруу зуршил зэрэг нийгмийн сөрөг үзэгдлүүдтэй тэмцэх ажлыг эрчимжүүлж, монгол ёс заншлаа дээдлэх ухамсрыг хүүхэд, залуучуудад төлөвшүүлэн зөв хүмүүжил олгох ажлыг иргэд, төрийн бус байгууллагуудын оролцоотойгоор хэрэгжүүлж, иргэдийн амар тайван амьдрах нөхцлийг бүрдүүлнэ.

6.6. Гэмт хэрэг, зөрчлөөс урьдчилан сэргийлэх ажлын хүрээнд олон нийт, цагдаагийн хамтын ажиллагааг шинэ шатанд гаргах, малын хулгайн гэмт хэргийг илрүүлэх, таслан зогсоох, нийтийн хэв журмыг хангах чиглэлээр үйл ажиллагааг явуулж байгаа олон нийтийн үйл ажиллагааг бүх талаар дэмжин ажиллана.

6.7. Гудамж, нийтийн эзэмшлийн зам талбай, захын хорооллуудад үйлдэгддэг гэмт хэрэг, зөрчлөөс урьдчилан сэргийлэх, шуурхай илрүүлэх, таслан зогсоох зорилгоор сумын камерын хяналтын систем, гэрэлтүүлгийн тоо, хүчин чадлыг нэмэгдүүлнэ.

6.8. Халуун ус, ахуйн үйлчилгээг хүртээмжтэй байлгахад анхаарч үйл ажиллагаа эрхлэгчдийг дэмжих

НАРИЙНТЭЭЛ СУМЫН МОНГОЛ АРДЫН НАМЫН ХОРОО



Handwritten signature and date.